

Bibiliya y' Abana

Ishikirije

Ivuka rya Yesu



Yanditswe na: Edward Hughes
Amashusho ashirwamwo na: M. Maillot

Isobanurwa mu Kirundi na: Rémy Christian NTIRURIKURE
Itunganywa na: E. Frischbutter; Sarah S.

Inkuru 36 kuri 60

www.M1914.org

Bible for Children, PO Box 3, Winnipeg, MB R3C 2G1 Canada

Uburenganzira: Murafise uburenganzira bwo kwimura canke gusohora ku mpapuro iyi nkuru mugihe gusa mutayigurisha.


Ikirundi

Kirundi

Kera cane, Imana yaratumye
umumarayika Gaburiyeri ku
mwigeme w'umuyuda
w'akaranga kandi w'inkumi
yitwa Mariya.



Amubwira, "uzovyara umwana
w'umuhungu kandi uzomwite
Izina Ryiwe Yesu. Azokwitwa
Umwana w'Isumbavyose.
Azoganza ibihe bidahera."



"Ivyo vyoshoboka gute?" uwo mwigeme arabaza atangaye. "Sinigeze menya umugabo." Umumarayika abwira Mariya ati uwo mwana azova ku Mana. Nta mwana w'umuntu azomubera se.



3

Hanyuma, umumarayika abwira Mariya ko mwenenyinabo Elisabeti yibungenze mu myaka y'ubusaza. Ico cari igitangaza, naco nyene. Hanyuma y'aho, Mariya aja kuramutsa Elisabeti. Barashimira hamwe Imana.



4

Mariya yari arehejwe n'umugabo yitwa Yozefu. Yozefu arababara amenye ko Mariya yibungenze. Yibaza ati uyundi mugabo yoba ari se w'umwana.



5

Mu ndoto, umumarayika w'Imana abwira Yozefu ati uyu n'Umwana w'Imana. Yozefu yategerezwa gufasha Mariya kurera Yesu.



6

Yozefu yizera kandi yumvira Imana. Arongera yumvira amategeko y'igihugu ciwe. Kubera itegeko rishasha, be na Maria bava mu gisagara cabo, Beterehemu, kugira barihe amakori.



7

Mariya hari hageze ko yibaruka umwana wiwe. Ariko Yozefu ntiyaronka icumba na hamwe. Inzu z'ingenzi zose zari zuzuye.




8

Yozefu arateba araronka uruhongore rw'inka. Aho, niho Akana Yesu kavukiye. Nyina wiwe amuryamika mu bwato bw'inka, ahantu indya z'ibitungwa zishirwa.



9

Iruhande y'aho, abungere bari baraririye imikuku yabo aho iryamyeye. Umumarayika w'Imana arabiyereka, arazeza ababwira inkuru y'igitangaza.




10

"Hariya havukiye uno musu mu gisagara ca Dawidi Umukiza Ari We Kristo Umwami. Muza gusanga Uruyoya ruryamyeye mu bwato bw'inka."



11

Ubwo nyene, abamarayika bakaka benshi baraboneka, bahimbaza Imana kandi bavuga, "Imana Ininahazwe mw'Ijuru kw'isi naho



habe amahoro, ku bantu Imana ikunda bakayikundira."

12

Abungere barihuta kuja kuri urwo ruhongore. Bamaze kubona rwa Ruyoya, babwira uwo bahuye wese ivyo abamarayika bababwiye kuri Yesu.




13

Inyuma y'imisi mirongo ine, Yozefu na Mariya bazana Yesu mu ngoro y'Imana i Yerusalemu. Aho, umugabo yitwa Simiyoni ashima Imana kubw'urwo Ruyoya, nayo Ana, uwundi mukozi w'Uhoraho, atanga amashimwe.




14



Bose bamenya ko yesu ari Umwana w'Imana, Umukiza basezeraniwe. Yozefu atanga ikimazi c'inuma zibiri. Iri ryari ishikanwa rijanye n'ibwirizwa ry'Imana ku bantu b'aboro bategerezwa gushikana igihe bazanye umwana yavutse imbere y'Uhoraho.


15



Haciye igihe, urunyenyeri rudasanze rwereka inzira

Abanyabwenge bavuye mu gihugu c'Ubuseruko bagana i Yerusalemu. "Ari he Uyu Yavukiye kuba Umwami w'Abayuda?", barabaza. "Dushaka kumusenga."

16




Umwami Herodi yumva ivyerekeye Abanyabwenge. Ata umutwe, arabasaba ngo baheze bamubwire nibabona Yesu. "Nanje, ndashaka kumusenga", Herodi avuga atyo. Ariko yariko arabesha. Herodi yashaka kwica Yesu.

17



Ya nyenyeri ibayobora ku nzu nyene aho Mariya na Yozefu baba na rwa Ruyoya. Bafukanye basenga, za ngenzi ziha Yesu ingabire z'inzahabu n'ibimogamoga.

18



Imana ikebura ba Banyabwenge ngo basubire i muhira iwabo mw'ibanga. Herodi anigwa n'ishavu. Kubera ko yashaka kwica Yesu, uyo muyobozi w'ikibi yica inzoya zose


z'abahungu i Beterehemu.

19



Ariko Herodi ntiyashoboye gukora ku Mwana w'Imana! Akebuwe mu ndoto, Yozefu afata Mariya na Yesu abahungishiriza muri Egiputa.

20



Igihe Herodi apfuye,
Yozefu agarukana Mariya
na Yesu abakuye muri Egiputa.

21

Ivuka rya Yesu

Inkuru ivuye mw'Ijambo ry'Imana, Bibiliya

tuyisanga muri

Matayo 1-2, Luka 1-2

"Guhishurirwa amajambo yawe kuzana umuco,
guha abatungu ubwenge." Zaburi 119:130

Imana irazi ko twakoze ibibi,
ivyo yita icaha. Igihano c, icaha ni urupfu.

Imana iradukunda cane yarungitse umwana wayo,
Yesu, gupfa ku musalaba hama ariha igihano cacu.
Yesu yasubiye kuba muzima hama asubira mw'ijuru.
Ubu rero Imana ishobora kuduharira ivyaha vyacu.

Ushaka kuva mu vyaha, bwira ibi Imana: Mana nziza,
Ndizera ko Yesu yapfuye ku bwanje ubu akaba ari
muzima. Rero ingo mu buzima bwanje uharire ivyaha
vyanje, kugira ubu ngire ubuzima bushasha, hama
nze mbane na we ibihe bidashira. Mfasha kubaho ku
bwawe nk'umwana wawe. Amen. Yohana 3:16

Soma bibiliya hama uvugane n'Imana iminsi yose.